

Акафист святителю Николаю Чудотворцу

Конда́к 1.

Возбра́нный Чудотво́рче и изря́дный уго́днице Христо́в,
ми́ру всему́ источа́й многоце́нное ми́лости ми́ро и
неисчерпа́емое чуде́с мо́ре, восхваля́ю тя́ любóвию,
святите́лю Никóлае; ты́ же, я́ко имéяй дерзнове́ние ко
Го́споду, от вся́ких мя́ бе́д свободи́, да зову́ ти:

Ра́дуйся, Никóлае, вели́кий Чудотво́рче.

И́кос 1.

А́нгела о́бразом, земна́го су́ща естество́м, яви́ тебе́ всея́
твáри Созда́тель: благопло́дную бо добрóту души́ твоея́
провидев, преблаже́нне Никóлае, научи́ все́х вопи́ти тебе́
си́це:

Ра́дуйся, от утробы́ ма́терния очище́нный; ра́дуйся, да́же
до конца́ освяще́нный.

Ра́дуйся, рождéнием своимъ роди́телей удиви́вый;
ра́дуйся, си́лу душе́вную áбие по рождестве́ яви́вый.

Ра́дуйся, са́де земли́ обетова́ния; ра́дуйся, цве́те
Божéственного саждéния.

Ра́дуйся, лозó добродéтельная виногра́да Христо́ва;
ра́дуйся, дре́во чудото́чное рая́ Иисúсова.

Ра́дуйся, крíне ра́йскаго прозябе́ния; ра́дуйся, ми́ро
Христо́ва благоуха́ния.

Ра́дуйся, я́ко тобо́ю отго́нится рыда́ние; ра́дуйся, я́ко
тобо́ю прино́сится ра́дование.

Ра́дуйся, Никóлае, вели́кий Чудотво́рче.

Конда́к 2.

Ви́дяще твои́х ми́р излия́ние, Богому́дре, просвещаемся душа́ми и телесы́, дивна́го тя́ мирото́чца живонóсна, Никóлае, разумéюще: чудесы́ бо, яко вода́ми, благодáтию Бóжиею изливáющимися, напая́еши ве́рно вопи́ющих Бóгу: Аллилу́иа.

И́кос 2.

Ра́зум неуразумéнный вразумля́я о Святе́й Трóице, бы́л еси́ в Никéи со святы́ми отцы́ побóрник исповéдания правосла́вныя ве́ры: ра́вна бо Отцу́ Сы́на испове́дал еси́, соприсносу́щна и сопресто́льна, А́рия же безу́мнаго обличил еси́. Сего́ ра́ди ве́рнии научи́шася воспева́ти тебе́:

Ра́дуйся, вели́кий благоче́стия сто́лпе; ра́дуйся, ве́рных прибе́жища гра́де.

Ра́дуйся, твёрдое Правосла́вия укрепле́ние; ра́дуйся, честное Пресвяты́я Трóицы носило́ и похвалéние.

Ра́дуйся, Отцу́ равночестна́ Сы́на проповéдавый; ра́дуйся, А́рия возбесивша́гося от Собóра святы́х отгна́вый.

Ра́дуйся, óтче, отцев сла́вная красото́; ра́дуйся, все́х богому́дрых премудра́я добро́то.

Ра́дуйся, óгненная́ словеса́ испуща́яй; ра́дуйся, до́бре ста́до своё наставля́яй.

Ра́дуйся, яко тобо́ю ве́ра утвержда́ется; ра́дуйся, яко тобо́ю е́ресь низлага́ется.

Ра́дуйся, Никóлае, вели́кий Чудотво́рче.

Конда́к 3.

Си́лою, да́нною ти́ свѣ́ше, слезу́ всяку́ отъя́л еси́ от лица́ лю́те стра́ждущих, богоно́сне о́тче Никóлае: а́лчущим бо яви́лся еси́ корми́тель, в пучи́не морсте́й су́щим изря́дный прави́тель, недугующим исцелѣ́ние и всѣ́м вся́к помо́щник показáлся еси́, вопи́ющим Бо́гу: Аллилу́иа.

И́кос 3.

Име́яше вои́стину, о́тче Никóлае, с Небесе́ пѣ́снь тебе́ воспева́ема бы́ти, а не от земли́: ка́ко бо кто́ от челове́к возмо́жет твоея́ святи́ни вели́чия проповѣ́дати? Но мы́, любóвию твоею́ побежда́еми, вопи́ем ти́ си́це:

Ра́дуйся, о́бразе а́гнцев и па́стырей; ра́дуйся, свято́е очисти́лище нра́вов.

Ра́дуйся, добродѣ́телей вели́ких вмести́лище; ра́дуйся, святи́ни чи́стое и честно́е жили́ще.

Ра́дуйся, свети́льниче все́свѣтлый и вселюби́мый; ра́дуйся, све́те златоза́рный и непоро́чный.

Ра́дуйся, досто́йный А́нгелов собесѣ́дниче; ра́дуйся, до́брый челове́ков наста́вниче.

Ра́дуйся, пра́вило ве́ры благочести́выя; ра́дуйся, о́бразе крóтости духо́вныя.

Ра́дуйся, я́ко тобою́ от страсте́й телѣ́сных избавля́емся; ра́дуйся, я́ко тобою́ сла́достей духо́вных исполня́емся.

Ра́дуйся, Никóлае, вели́кий Чудотво́рче.

Конда́к 4.

Бу́ря недоуме́ния смуща́ет ми́ ум, ка́ко досто́йно е́сть пе́ти чуде́са тво́я, блаже́нне Нико́лае? Никто́же бо мо́жет я́ исчести́, а́ще бы и мно́ги язы́ки имёл и глаго́лати восхоте́л; но мы́, дивно́ Бо́гу в тебе́ прославля́ющемуся, дерза́ем воспева́ти: Аллилу́иа.

И́кос 4.

Слы́шаша, богому́дре Нико́лае, бли́жнии и дальнии вели́чие чуде́с твои́х, я́ко по возду́ху лёгкими́ благода́тными крила́ми нав́ыкл еси́ су́щих в беда́х предвари́ти, ско́ро от те́х избавля́я все́х, вопи́ющих к тебе́ такова́я:

Ра́дуйся, избавле́ние от печа́ли; ра́дуйся, пода́ние благода́ти.

Ра́дуйся, неча́емых зо́л прогоните́лю; ра́дуйся, жела́емых благих насади́телю.

Ра́дуйся, ско́рый утешите́лю в беде́ су́щих; ра́дуйся, стра́шный наказа́телю оби́дящих.

Ра́дуйся, чуде́с пучи́но, Бо́гом изли́янная; ра́дуйся, зако́на Христо́ва скрижа́ли, Бо́гом пи́санныя.

Ра́дуйся, кре́пкое па́дающих возведе́ние; ра́дуйся, пра́во стоя́щих утвержде́ние.

Ра́дуйся, я́ко тобо́ю вся́кая ле́сть обнажа́ется; ра́дуйся, я́ко тобо́ю вся́кая и́стина сбыва́ется.

Ра́дуйся, Нико́лае, вели́кий Чудотво́рче.

Конда́к 5.

Боготéчная звезда́ явѣлся еси́, наставляя по мóрю пла́вающих лю́те, ѣмже смéръть предстояше вскóре иногдá, áще не бы ты́ предстáл еси́ призывáющим ты́ в пóмощь, Чудотвóрче святы́й Никóлае; ужé бо несты́дно бесóм летáющим и погрузѣти кораблѣ хотя́щим запрети́в, отгна́л еси́ ѣх, вѣрныя же научѣл еси́ спаса́ющему тобо́ю Бóгу взыва́ти: Аллилу́иа.

Ўкос 5.

Вѣдеша отрокови́цы, на бра́к сквѣрны́й нищеты́ ра́ди угото́ванныя, вели́кое твоѣ к ни́щим милосéрдие, преблаже́нне óтче Никóлае, егда́ ста́рцу родѣтелю ѣх но́щию узельцы́ три́ злáта тая́ся пода́л еси́, самаго́ со дщѣрьми избавля́я от падѣния грехóвнаго. Того́ ра́ди слы́шиши от всѣх сѣце:

Ра́дуйся, мѣлости превели́кия сокрови́ще; ра́дуйся, промы́шления о лю́дех приятелище.

Ра́дуйся, пи́ще и отра́до к тебѣ прибега́ющих; ра́дуйся, хлѣбе неснеда́емый áлчущих.

Ра́дуйся, богáтство, бѣдне живúщим на землѣ, Бóгом да́нное; ра́дуйся, воздвѣжение скóрое убóгих.

Ра́дуйся, бы́строе ни́щих услы́шание; ра́дуйся, скорб́ящих прия́тное попече́ние.

Ра́дуйся, три́ех дѣв непорóчный невестѣтелю; ра́дуйся, чистоты́ усéрдный хранѣтелю.

Ра́дуйся, ненаде́жных наде́яние; ра́дуйся, всего́ мѣра наслажде́ние.

Ра́дуйся, Никóлае, вели́кий Чудотвóрче.

Конда́к 6.

Пропове́дует ми́р вѣсь тебѣ, преблаже́нне Никóлае, скóраго в беда́х заступника: я́ко мно́гажды во еди́нем часѣ, по землі́ путешѣствующим и по мóрю пла́вающим, предва́ряя, посóбствуеши, кúпно всѣх от злы́х сохраня́я, вопи́ющих к Бо́гу: Аллилу́иа.

И́кос 6.

Воссия́л еси́ свѣт живóтный, избавлѣние нося́ воево́дам, неправедную смѣ́рть прияти́ имúщим, тебѣ́, до́брый па́стырю Никóлае, призыва́ющим, егда́ вскóре я́влься во снѣ́ царѣви, устраши́л еси́ егó, сѣх же невреждѣ́нных отпусти́ти повелѣ́л еси́. Сего́ ра́ди с ни́ми кúпно и мы́ благода́рственно вопи́ем ти́:

Ра́дуйся, усѣ́рдно призыва́ющим тя́ помога́яй; ра́дуйся, от неправедна́го уби́ения избавля́яй.

Ра́дуйся, от лѣ́стных сохраня́яй клеветы́; ра́дуйся, неправедны́я разруша́яй советы́.

Ра́дуйся, растерза́яй лжу́́ я́ко паучи́ну; ра́дуйся, возноша́яй сла́вно и́стину.

Ра́дуйся, непови́нных от úз разрешѣ́ние; ра́дуйся, и мертвецѣ́в оживлѣ́ние.

Ра́дуйся, проявителью́ пра́вды; ра́дуйся, помрачи́телю неправды́.

Ра́дуйся, я́ко тобо́ю непови́ннии изба́влени от мечá; ра́дуйся, я́ко тобо́ю наслади́шася свѣ́та.

Ра́дуйся, Никóлае, вели́кий Чудотво́рче.

Конда́к 7.

Хотя́ богоху́льное еретическое отгна́ти злосра́дие, ми́ро войсти́ну благово́нное, та́инственное яви́лся еси́, Нико́лае: лю́ди Мире́йския упасл еси́ и ве́сь ми́р своимъ благодáтным ми́ром испóлнил еси́. И от насъ у́бо богоме́рзкое грехо́вное злосра́дие отжени́, да благоприя́тно Бо́гу вопие́м: Аллилу́иа.

И́кос 7.

Но́ваго тя Но́я, наста́вника ковче́га спаси́тельнаго разуме́ем, о́тче святы́й Нико́лае, бу́рю все́х лю́тых разгоня́ющаго направле́нием своимъ, ти́шину же Божество́нную принося́щаго вопию́щим такова́я:

Ра́дуйся, обурева́емых ти́хое пристани́ще; ра́дуйся, утопа́ющих изве́стное храни́лище.

Ра́дуйся, пла́вающих посреде́ пучи́н до́брый ко́рмчий; ра́дуйся, трево́лнения морска́я уставля́ющий.

Ра́дуйся, превожде́ние сущи́х в ви́хрех; ра́дуйся, согре́яние сущи́х во мра́зех.

Ра́дуйся, сия́ние, ско́рбный мракъ разгоня́ющее; ра́дуйся, свети́ло, вся́ концы́ земли́ просвеща́ющее.

Ра́дуйся, от бе́здны грехо́вныя челове́ки избавля́й; ра́дуйся, в бе́здну а́дскую сатану́ вверга́й.

Ра́дуйся, я́ко тобо́ю дерзнове́нно бе́здну милосе́рдия Бо́жия призыва́ем; ра́дуйся, я́ко тобо́ю от пото́па гне́ва изба́вльшеся, ми́р с Бо́гом обрета́ем.

Ра́дуйся, Нико́лае, вели́кий Чудотво́рче.

Конда́к 8.

Стра́нное чу́до явля́ется притека́ющим к тебе́, блаже́нне Нико́лае, свяще́нная твоя́ це́рковь: в не́й бо и ма́лое моле́ние принося́ще, ве́лиих недúгов прие́млем исцеле́ние, а́ще то́кмо по Бо́зе упова́ние на тя́ возложим, ве́рно вопию́ще: Аллилу́иа.

И́кос 8.

Ве́сь еси́ все́м вои́стину помо́щник, богонóсе Нико́лае, и собра́л еси́ вку́пе вся́ прибега́ющия к тебе́, я́ко свободи́тель, пита́тель и вра́ч ско́рый все́м земны́м, на похвалу́ все́х подвиза́я вопи́ти к тебе́ си́це:

Ра́дуйся, вся́ких исцелéний исто́чнице; ра́дуйся, лю́те стра́ждущим помо́щнице.

Ра́дуйся, зарé, сия́ющая в но́щи грехóвней блужда́ющим; ра́дуйся, росó небото́чная в знóби трудо́в сущим.

Ра́дуйся, подава́яй тре́бующим благостроéние; ра́дуйся, уготовля́яй прося́щим изобы́лие.

Ра́дуйся, мно́гажды проше́ние предва́ряяй; ра́дуйся, ста́рым седи́нам си́лу обновля́яй.

Ра́дуйся, мно́гих заблúждших от пу́ти и́стиннаго обли́чителю; ра́дуйся, та́ин Бо́жих ве́рный служи́телю.

Ра́дуйся, я́ко тобо́ю за́висть попира́ем; ра́дуйся, я́ко тобо́ю благона́равное житиé исправля́ем.

Ра́дуйся, Нико́лае, вели́кий Чудотво́рче.

Конда́к 9.

Вся́кїя утоли́ болѣзні, вели́кий на́ш заступниче Никóлае, растворя́я благодáтная врачевáния, услажда́ющая ду́ши на́ша, сердца́ же веселя́щая всѣх усѣрдно к по́моци твоѣй притека́ющих, Бо́гу же вопи́ющих: Аллилу́иа.

И́кос 9.

Виті́я суемúдренныя нечесті́вых вѣдим тобо́ю посра́мленныя, богомúдре óтче Никóлае: А́рия бо ху́льника, разделя́юща Божество́, и Савѣллія, смеща́юща Святу́ю Трѳицу, препре́л, на́с же во Правосла́вии укрепі́л еси́. Сего́ ра́ди вопи́ем ти́ сі́це:

Ра́дуйся, щі́те, защища́яй благоче́стие; ра́дуйся, мечу́, посеца́яй злочѣстие.

Ра́дуйся, учі́телю Божѣственны́х велѣній; ра́дуйся, губі́телю богопроти́вны́х учѣній.

Ра́дуйся, лѣстнице, Бо́гом утвержде́нная, ёю́же восхо́дим к Небесі́; ра́дуйся, покрóве, Бо́гом здáнный, імже покрывáются мно́зи.

Ра́дуйся, немúдры́х умудрѣ́вый тво́ими словесы́; ра́дуйся, лени́вых подвѣ́гнувый тво́ими нра́вы.

Ра́дуйся, свѣтлосте за́поведей Бо́жиих неугасі́мая; ра́дуйся, луче́ оправда́ній Господни́х пресвѣтлая.

Ра́дуйся, я́ко учѣ́нием тво́им сокруша́ются ереті́ческія главы́; ра́дуйся, я́ко тобо́ю вѣрнии сподобля́ются сла́вы.

Ра́дуйся, Никóлае, вели́кий Чудотво́рче.

Конда́к 10.

Спасти́ хотя́ ду́шу, плоть твою́ дүхови покорил еси́ войстину, о́тче наш Никóлае: молча́ньми бо прэжде и борэньми с помысли, дея́нию богомыслие приложил еси́, богомыслием же разум совершён стяжал еси́, имже дерзновённо с Бóгом и А́нгелы бесéдовал еси́, всегда́ вопия́: Аллилу́иа.

Їкос 10.

Стена́ еси́ похваля́ющим, преблаже́нне, чудеса́ тво́я и всём к заступлэ́нию твоёму́ прибега́ющим; те́мже и нас, в добродéтели убóгих, от нищеты́, напа́сти, недүгов и ну́жд различных свобожда́й, вопию́щих ти́ с любóвию такова́я:

Ра́дуйся, от убóжества́ вéчнаго изымáяй; ра́дуйся, богáтство нетлénное подава́яй.

Ра́дуйся, бра́шно неги́блющее а́лчущим правды; ра́дуйся, пити́е неисчерпа́емое жа́ждущим жи́зни.

Ра́дуйся, от мятéжа и бра́ни соблюда́яй; ра́дуйся, от у́з и пленéния свобожда́яй.

Ра́дуйся, пресла́вный в беда́х заступниче; ра́дуйся, превели́кий в напáстех защитниче.

Ра́дуйся, мно́гих от поги́бели исхитивый; ра́дуйся, безчи́сленных невреждéнно сохрани́вый.

Ра́дуйся, я́ко тобою́ лю́тыя смёрти грéшнии избега́ют; ра́дуйся, я́ко тобою́ жи́знь вéчную каю́щиеся получа́ют.

Ра́дуйся, Никóлае, вели́кий Чудотворче.

Конда́к 11.

Пе́ние Пресвяте́й Трѳице па́че инѳх принѳсл еси́, преблаже́нне Никѳлае, умѳм, сло́вом и де́лом: мно́гим бо испытáнием правове́рная повелѳния уясни́л еси́, ве́рою, наде́ждою и любѳвию наставля́я нас в Трѳице Еди́ному Бо́гу воспева́ти: Аллилу́иа.

Ї́кос 11.

Светозáрную лучу́ во мра́це жити́я сущим неугаси́мую ви́дим тя, Бо́гом избра́нне ѳтче Никѳлае: с невещѳственными бо а́нгельскими све́ты бесе́дуеши о несозда́нном Трѳическом Све́те, ве́рных же ду́ши просвещáеши, вопи́ющих ти́ такова́я:

Ра́дуйся, озаре́ние Трисѳлнечнаго Све́та; ра́дуйся, денни́це незаходи́мага Сѳлнца.

Ра́дуйся, свещѳ, Божѳственным пла́менем возжже́нная; ра́дуйся, я́ко угаси́л еси́ бесѳвский пла́мень нечѳстия.

Ра́дуйся, све́тлое правове́рия проповѳдание; ра́дуйся, доброзра́чное све́та ева́нгельскаго сия́ние.

Ра́дуйся, мо́лние, е́реси пожига́ющая; ра́дуйся, гро́ме, устраша́ющий соблазња́ющая.

Ра́дуйся, и́стиннаго научи́телю ра́зума; ра́дуйся, та́инственнаго изъяв́ителю ума́.

Ра́дуйся, я́ко тобо́ю попрáся поклонѳние тва́ри; ра́дуйся, я́ко тобо́ю научи́хомся поклоня́тися Творцу́ в Трѳице.

Ра́дуйся, Никѳлае, вели́кий Чудотво́рче.

Конда́к 12.

Благода́ть, да́нную ти́ от Бо́га, све́душии, ра́дующеся, твою́ па́мь прáзднуем по до́лгу, пресла́вный о́тче Никóлае, и к чу́дному заступле́нию тво́ему́ вседу́шно притека́ем; пресла́вных же тво́их дея́ний, я́ко песка́ морска́го и мно́жества звéзднаго исчести́ не могу́ще, недоуме́нием объ́яти б́ывше, вопи́ем к Бо́гу: Аллилу́иа.

И́кос 12.

Пою́ще тво́я чудеса́, восхваля́ем тя́, всехва́льне Никóлае: в тебé бо Бо́г, в Тро́ице прославля́емый, дивно́ просла́вился. Но а́ще и попремно́гу соста́вленныя от ду́ши псалмы́ и пёсньи прино́сим ти́, Чудотво́рче святы́й, ничто́же тво́рим ра́вно дарова́нию чудес тво́их, имже удиви́яющеся, вопи́ем к тебé тако́вая:

Ра́дуйся, Царя́ ца́рствующих и Го́спода госпо́дствующих служи́телю; ра́дуйся, служи́телей Его́ небесных сожи́телю.

Ра́дуйся, лю́дем ве́рным поможе́ние; ра́дуйся, ро́да христиа́нскаго возвыше́ние.

Ра́дуйся, победы́ тезоимени́тый; ра́дуйся, венце́ноче наро́читый.

Ра́дуйся, все́х добродéтелей зерца́ло; ра́дуйся, все́х притека́ющих к тебé крёпкое забра́ло.

Ра́дуйся, по Бо́зе и Богоро́дице, всё на́ше упова́ние; ра́дуйся, телес на́ших здра́вие и ду́ш спасéние.

Ра́дуйся, я́ко тобо́ю от ве́чныя сме́рти свобожда́емся; ра́дуйся, я́ко тобо́ю безконéчныя жи́зни сподобля́емся.

Ра́дуйся, Никóлае, вели́кий Чудотво́рче.

Конда́к 13.

О пресвяты́й и пречу́дный о́тче Нико́лае, утеше́ние все́х скорбя́щих, ны́нешнее на́ше приими́ приноше́ние и от ге́енны изба́витися на́м Го́спода умоли́ богоприя́тным твои́м ходата́йством, да с тобо́ю воспева́ем: Аллилу́иа.

Этот конда́к чита́ется три́жды, зате́м 1-й и́кос и 1-й конда́к.

И́кос 1.

А́нгела о́бразом, земна́го су́ща естество́м, яви́ тебе́ всея́ тва́ри Созда́тель: благопло́дную бо добро́ту души́ твоея́ прови́дев, преблаже́нне Нико́лае, научи́ все́х вопи́ти тебе́ си́це:

Ра́дуйся, от утробы́ ма́терния очище́нный; ра́дуйся, да́же до конца́ освяще́нный.

Ра́дуйся, рождéнием свои́м роди́телей удиви́вый; ра́дуйся, си́лу душе́вную а́бие по рождестве́ яви́вый.

Ра́дуйся, са́де земли́ обетова́ния; ра́дуйся, цве́те Божéственнаго сажде́ния.

Ра́дуйся, лозо́ добродéтельная виногра́да Христо́ва; ра́дуйся, дре́во чудото́чное рая́ Иису́сова.

Ра́дуйся, крине́ райскаго прозябе́ния; ра́дуйся, ми́ро Христо́ва благоуха́ния.

Ра́дуйся, я́ко тобо́ю отго́нится рыда́ние; ра́дуйся, я́ко тобо́ю прино́сится ра́дование.

Ра́дуйся, Нико́лае, вели́кий Чудотво́рче.

Конда́к 1.

Возбра́нный Чудотво́рче и изря́дный уго́днице Христо́в, ми́ру все́му источа́яй многоце́нное ми́лости ми́ро и неисчерпа́емое чуде́с мо́ре, восхваля́ю тя́ любóвию, святителю́ Нико́лае; ты́ же, я́ко имéяй дерзнове́ние ко Го́споду, от вся́ких мя́ бе́д свободи́, да зову́ ти:

Ра́дуйся, Нико́лае, вели́кий Чудотво́рче.

Моли́тва пе́рвая.

О всесвятѣй Нико́лае, уго́днице преизрядный Господень, тёплый наш заступниче и вездѣ в скорбех скорый помощниче! Помози́ ми, грѣшному и уны́лому, в настоящем сем жити́и, умоли́ Го́спода Бо́га дарова́ти ми оставле́ние все́х моих грехо́в, ели́ко согреши́х от юности моея́, во все́м жити́и моём, де́лом, сло́вом, помышле́нием и все́ми моими́ чу́вствы; и во исхо́де души́ моея́ помози́ ми, окаянному, умоли́ Го́спода Бо́га всея́ тва́ри Соде́теля, изба́вити мя возду́шных мыта́рств и вѣчнаго муче́ния: да всегда́ прославляю́ Отца́, и Сы́на, и Свята́го Ду́ха, и твоё ми́лостивное предста́тельство, ны́не и прѣсно, и во ве́ки веко́в. **Ами́нь.**

Моли́тва второ́я.

О всеблагѣй о́тче Нико́лае, па́стырю и учи́телю все́х, ве́рою притека́ющих ко твоему́ заступле́нию и тёплою моли́твою тебѣ призыва́ющих! Ско́ро потщи́ся и изба́ви Христо́во ста́до от волко́в губя́щих е́; и вся́ку страну́ христиа́нскую оградѣ́ и сохрани́ святы́ми твои́ми моли́твами от мирска́го мяте́жа, тру́са, нашествія иноплеме́нников и междоусо́бныя бра́ни, от гла́да, пото́па, огня́, мечá и внеза́пныя сме́рти. И якоже поми́ловал еси́ три́ех муже́й, в темни́це сидя́щих, и изба́вил еси́ их от царёва гне́ва и посече́ния мечнаго, та́ко поми́луй и мене́, умо́м, сло́вом и де́лом во тме́ грехо́в су́ща, и изба́ви мя гне́ва Бо́жия и вѣчныя ка́зни. Я́ко да твои́м ходата́йством и по́мощию, Свои́м же милосе́рдием и благода́тию, Христос́ Бог тихое и безгрѣшное жити́е да́ст ми́ пожити́ в ве́це сем, и изба́вит мя от шу́ияго стоя́ния, сподо́бит же десна́го со все́ми святы́ми во ве́ки веко́в. **Ами́нь.**